

- (Aspicio, ferratus adest, ad proelia venit)
 Armillas centum de rubro quippe metallo
 Factas transmittam, quo nomen regis honorem.
 615 Tali responso discesserat ille recepto.
 Principibus narrat, quid protulit atque resumpsit.
 Tunc Hagano ad regem 'porrectam suscipe gazam,
 Hac potis es decorare, pater, te concomitantes;
 Et modo de pugna palmam revocare memento.
 620 Ignotus tibi Waltharius, et maxima virtus.
 Ut mihi praeterita portendit visio nocte,
 Non, si conserimus, nos prospera cuncta sequentur.
 Visum quippe mihi te collectarier ursu,
 Qui post conflictus longos tibi mordicus unum
 625 Crus cum poplite ad usque femur decerpserat omne,
 Et mox auxilio subeuntem ac tela ferentem
 Me petit, atque oculum cum dentibus eruit unum.
 His animadversis clamat rex ille superbus:
 'Ut video, genitorem imitaris Agacien ipse.
 630 Hic quoque perpavidam gelido sub pectore mentem
 Gesserat, et multis fastidiit proelia verbis.
Tunc heros magnam juste conceperat iram,
 (Si tamen in dominum licitum est irascier ullum.)
 'Hic' ait 'in vestris consistant omnia telis.
 635 Est in conspectu quem vultis, dimicet omnis.
 Cominus astatis, nec jam timor impedit ullum;
 Eventum videam, nec consors sim spoliorum.
 Dixerat, et collem petiit mox ipse propinquum,
 Descendensque ab equo consegit et aspicit illo.
 640 **P**ost haec Guntharius Cameloni praecipit ajens
 'Perge et thesaurum redi mihi praecipe totum.
 Quodsi cunctetur, scio tu vir fortis et audax,

625 poblite A. 626 et C. 628 his autem C. 629 hagathien A. hagalthien B. agacien C. E. 631 fastidit A. B. 634 en ait B. 639 illos C. 640 calamoni B.